



**SECONDA SESSIONE URDINARIA DI U 2019**  
**2EME SESSION ORDINAIRE DE 2019**  
**RIUNIONE DI I 24 È 25 D'UTTROVI**  
**REUNION DES 24 ET 25 OCTOBRE**

2019/O2/099

***Question orale déposée par M. Romain COLONNA  
au nom du groupe « Femu A Corsica »***

**OBJET : Pulluzione di i porti : calindariu è mitudulugia**

O Sgiò Prisdente di u Cunsigliu esecutivu di a Corsica,

O Sgiò Prisdente di l'Agenza di l'Assestu, di l'Urbanisimu è l'Energia di a Corsica

U sugettu di a pulluzione liata à l'attività di i battilloni in portu hè di primura pà a Cullettività di Corsica è pà a nostra Assemblea dipoi u principiu di issa mandatura è aldilà. Pare esse oghje di primura ancu pà l'altre forze pulitiche, stituzionale è intraprinariale in Corsica è in Auropa. È ci ne raligremu !

In issu cuntestu parechje manifestazione, iniziative è riunione si sò stalvate à u mese d'ottobre. Ci hè stata par un dettu u 3, sottu à a vostra dirizzione, l'organizzazione di u Cunsigliu di l'Energia, di l'Aria è di u Clima chì hà parmessu d'ammintà, frà altru, issa quistione di a pulluzione liata à dumande energetiche. U lindumane, u 4 d'ottobre, ci hè stata una riunione in prifittura in Aiacciu cù l'inseme di l'attori tocchi da issa problematica di i battilloni. Ci hè stata dinò l'11 d'ottobre a ghjurnata mediterranea di l'Aria è di i porti urganizata da Qualitair Corse è AtmoSud in Aiacciu cù quì dinò l'inseme di l'attori raprisintati.

Passate tutte isse manifestazione, si pò dì, è ùn hè micca nulla, ch'ellu ci hè oramai un cuncensu forte forte da tutti l'attori pà andà versu una riduzione impurtante di a pulluzione di i battilloni : ogettivi è norme internaziunale nove di l'Organizazione Marittima Internaziunale (OMI), norme riprese da l'Auropa, u Statu francese è l'Assemblea di Corsica chì volenu andà versu una classifica di u Mediterraneu in zona Eca, l'associ chì battenu sempre à prò di una aria pura, e camare di cumerciu pronte à invistisce è infine l'armatori, attori cintrali di a problematica.

Emu pussutu custattà dinò mentre quelle riunione chì aldilà di u cuncensu, ci era una diversità maiò di pusizionamenti è una diversità di suluzione pà avanzà. Sò parechje e pussibilità è inghjunu pare caminà à pena à modu soiu.

A nostra dumanda ùn tocca micca tandu à l'aspettu tecnicu di tutte e suluzione pruposte ma più tostu à u calindariu, a mitudulugia, è u rolu di a Cullettività da parmette d'avanzà in modu significativu è d'armunizà tutte e suluzione parchè ne semu cunvinti, aldilà di l'intaressi privati o di e nostre pusizione pulitiche rispittive, issa problematica di salute publica abbisogna a articipazione cullaburativa è attiva di tutti.

À ringrazià vi.